



12920

II

P


*Joclovii Stanislai Peregrinus sive laesae  
virtutis quaevelae  
Varsoviae in typogr. Alsterianae 1739.*

PANEG. et VITAE

Polon. 4<sup>o</sup>

.12 944.







2.

STANISLAI SOCOLOVII  
PEREGRINUS

SIVE

LAESAE VIRTUTIS  
QUAERELA,  
NUNC PRIMUM EX MANUSCRIPTO

PUBLICÆ LUCI EXPOSITA

ADIECTA AUCTORIS VITA EIUSQUE OPERUM NOTITIA

CURA ET SUMPTU

CHRISTIANI THEOPHILI FRIESII



VARSAVIÆ  
Ex Typographia Mizleriana  
1759.



2.

THE REGISTER

NEW YORK, FRIDAY, JANUARY 1, 1853

Published for the Proprietor by J. R. KELLOGG, at the Office of the Register, No. 107 Nassau Street, New York.

129207



J. R. KELLOGG, Proprietor.  
1853



REVERENDISSIMO IN CHRISTO PATRI  
P. LEONI RAUCH

SOCIETATIS YESU  
Socio dignissimo  
SERENISSIMI POLONIARUM REGIS  
ATQUE  
ELECTORIS SAXONIÆ.

a  
Confessionibus,  
LITERARVM PROMOTORI,  
PATRONO ATQUE FAUTORI SUO  
summum colendo,  
Primam huius libelli editionem  
offert ac dedicat,  
CHRISTIANUS THEOPHILUS FRIESIUS.

**N**Oli mirari *VIR* Reverendissime, quod audeam,  
primam libelli huius editionem *TIBI* offerre, no-  
minique *TUO* adscribere. Verum quidem est, quod  
ille, si voluminis aspicias magnitudinem, tali viro di-  
gnus iudicari baud possit, si vero materie consideras  
dignitatem, certo sum persuasus, *TE* ausum hocce me-  
um in malam partem non esse interpretaturum.

Socolovius enim, apud Stephanum, Magnum Polo-  
niæ Regem, Concionatoris & Confessarii munere ad



eius usque mortem summa fidelitate perfunctus, Regis sui innocentiam & post mortem contra quosvis osores, iniquos & oblatratores impudicos libello hoc defendere & vindicare studuit.

TU in eodem dignitatis gradu apud AUGUSTUM III, Poloniarum Regem Augustissimum, positus, in libello isto veram Regis Tui optimi depictam invenies imaginem. Eum enim omnibus virtutibus, quæ in bonum Regem cadere possunt, pietate, inquam, religione, iustitia, prudentia, animi magnitudine & clementia abunde exornatum videmus.

Auctoris vitam scriptorumque eius recensionem adiicere necesse duxi, quia vir iste, de religione & Patria optime meritus, adhuc non satis, præcipue exteris, est notus, scripta vero eius a nemine hucusque debito ordine recensita, & civibus suis ignota latuerunt.

Laudes TUAS enarrare, quas omnino nunc deberem, modestia TUA non permittit, omnes tamen TE Virum, in religione pium atque sincerum, erga Regem fidelem, in moribus probum, in officio laboriosum, quinimo indefessum, cognoscunt.

Quod superest, D. T. O. enixe precor, ut TE, Pater Reverendissime, multos adhuc annos salvum & incolumem conservet, simulque Te rogo, ut, sicut incepisti, mihi favere pergas. Vale, Scribebam Varaviae Cal: Octobris A. R. S. MDCCLIX.





**TANISLAUS SOCOLOVIUS**, gente antiqua, Liliam in armis gerente, patrio sermone, GOZDAWA dicta, oriundus, in domo IACOBI BIELENSCII, (a) Episcopi Lacedæmonienſis, ſuffraganei Plocenſis, litterarum fundamentis bene imbutus, Almam petiit Cracoviam. Ibi, IACOBO GORSICIO doctore, altiora adgreſſus eſt ſtudia. Primam lauream anno 1561. ſub eodem illo præceptore ſuo Decano, Artiſticae facultatis obtinuit. Secundo deinde poſt anno, Magiſtri titulum eſt aſſecutus. (b)

BIELENSCII ope adiutus Italiam poſtea petiit, ubi *Sigonium & Vitellium*, magna tunc temporis lumina,

A

(a) Autor ipſe agnoſcit eum et fautorem et educatorem ſuum, atque fatetur, quicquid in ſtudiis theologicis profecerit, quicquid ornamentorum conſecutus ſit, id omne illius hortatu, cura, ac ſtudio, ſingularique liberalitate conſecutum eſſe. Videatur *Praefatio Concionis, Pro cultu & adoratione Jeſu Chriſti in Euchariftiae Sacramento.*

(b) STAROVOLSCIVS in Elogiis et Vitis centum Poloniae ſcriptorum pag: 148.



mina, maximo cum fructu audivit. Cum popularibus suis, qui ibi studiis quoque incumbabant, præcipue vero cum HIERONYMO ROZDRAZOVIO, qui postea Episcopus Vladislaviensis evasit, coniunctissime vixit, adeo, ut eum studiorum suorum a primæ ætate fautorem & inspectorem appellet. (a)

In Patriam redux, Cracoviæ supremæ scientiæ Theologiæ professionem multis annis magno applausu tenuit. (b) Et pietatis atque eruditionis fama, Sancti Floriani Præposituram obtinuit, paulo vero post Canoniorum Cracoviensium numero quoque fuit adscriptus.

Virum præstanti ingenio præditum variarumque linguarum, præcipue Græcæ atque Hebræicæ egregie peritum, vitæ probitas morumque integritas adeo commendabant, ut Magnus ille Rex Stephanus Batori, uno quasi obtutu eum perlustrans concionatorem suum aulicum nominaret, quem & optimis beneficiis & honoribus auctum perpetuo carum atque familiarem sibi habuit. (c)

SOLOVIVS, quoque pro officii sui sibi iniuncti dignitate & gravitate, talem se in omnibus præstitit,

(a) SOCOLOVIUS in Præfatione *iusti Josephi*.

(b) STAROVOLSCIUS in libello de claris Oratoribus Sarmatiæ pag: 32.

(c) STAROVOLSCIUS in Elogiis et vitis centum Poloniæ scriptorum. pag: 148.



stitit, qualem mater Academia, fautores atque Patroni & universus denique sacer ordo, in oculis sui Principis videre desideraverat, industrium scilicet, gravem, sobrium, eruditum, constantem atque pium. (a)

Apud Regem suum usque ad eius mortem, summa semper floruit gratia, eumque post mortem contra quosvis nominis sui obtrectatores impudicos masculine defendit. (b)

Ab isto quoque ius Patronatus in Templum sancti Floriani pro Academia Cracoviensi expetiit, & autoritate sua, qua & post Regis mortem valebat, a Regni Statibus eius confirmationem lege publica anno 1590. effecit. (c)

Tandem vir ille optimus simulque de Ecclesia & Patria meritissimus, anno 1593. VII. Iduum Aprilis pia morte obiit, & magnum apud omnes bonos sui reliquit desiderium.

FABIANVS BIRCOVIUS, qui, relicta, ob recusam sibi Canonicatus dignitatem, Alma Academia Cracoviensi, ubi magno cum applausu docuerat, instituta sancti Dominici professus fuerat, orationem funebrem amico atque collegæ suo olim iunctissimo habuit. (d)

A 2

Quanti

(a) STAROVOLSCIUS l. c.

(b) SOCOLOVIUS in læsæ virtutis quærela seu Peregrino.

(c) MARANGONIUS in Theatro Paroch: Tom: II. fol: 376.

(d) NIESIECIUS in Coronâ Polona Tom: IV.



Quanti eum summus ille Pontifex GREGORIUS XIII. fecit, patet ex Epistola, quam ille ad Socolovium nostrum scripsit. (a)

Inter reliquos Patronos, fautores & amicos, qui eum non tantum singulari prosecuti sunt amore, sed & variis beneficiis præmiisque affecerunt omni iure sunt referendi. IEREMIAS, Patriarcha Constantinopolitanus, STANISLAVS KARNCOVIVS, Archiepiscopus Gnesnensis, STANISLAVS HOSIVS S. R. E. Cardinalis & Episcopus Varmiensis. (b) PETRVS MISCOVIVS, Episcopus Cracoviensis, HIERONYMVS ROZDRAZOVIVS, Episcopus Vladislaviensis & Pomeraniæ, PETRVS KOSTKA, Episcopus Culmenensis, ANDREAS CALIGARIUS, Episcopus Brittonoriensis, Nuntius Apostolicus ad Regem STEPHANVM, IACOBVS BIELENSCIVS, Episcopus Lacedaemoniensis & suffraganeus Plocensis, IOANNES ZAMOSCIVS, Cancellarius & supremus Exercituum Dux, MARTINVS LESNOVOLSCIVS, Castellanus Podlachiae, STANISLAVS GREPSIVS, IACOBVS GORSCIVS, IOANNES KOCHANOVIVS, qui quoque eius laudem Musa, tali viro digna cecinit, SIMON SIMONIDES,

(a) Epistola ista scripta est 12. Maii Anno 1584. et extat in Operibus socolovii post præfationem.

(b) Vide Epistolam Anno 1579. 22. Maii scriptam: Exrat in Operibus socolovii post præfationem.



DES, qui carmen in eius obitum scripsit, ANDREAS SCHONAEVS (a) & centum alii.

Inter discipulos, quos magnos & doctos reliquit, sunt numerandi, SIMON RVDNICIVS, Varmienſis Antistes. (b) MARTINVS LESNOVOLSCIVS, qui poſtea Caſtellanus Podlachiae fuit (c) & MATTHIAS KLODZINIVS, Samogitiae Archidiaconus, Vilnenſis Praepoſitus S. Apoſtolicae ſedis notarius, & Regis Stephani Secretarius. (d)

Sua quae reliquit ſcripta, recenſet quidem Starovolſcius in libro de Elogiis & vitis ſcriptorum Poloniae pag: 149. ſed confuſe & ſine ordine. Nieſſecius, autor omni laude dignus, maiore exponite adiligentia, ſed quoque non omnia propriis perlustra- vit oculis: & errat, quando dicit, ea Cracoviae du- obus in Tomis eſſe impreſſa. Opera enim in uno Tomo congeſta prodierunt Cracoviae Anno 1591. in folio, & Volumen, quod Nieſſecius alterum To- mum nominat eſt opus ſingulare, poſt eius mortem demum 1598. Cracoviae promulgatum.

**A 3** Cele-  
(a) ANDREAS SCHONAEVS ſcripſit Odaſ III. funebres de laudi- bus Stanislai Socolovii, quae Cracoviae ſunt impreſſae Anno 1593. in 4to. Extant quoque in notis socolovii in Evangelia Mat- thaei, Marci et Lucae.

(b) Vid IANÓZKI Nachrichten von raren Büchern in der Zaluſki- ſchen Bibliothek part. III. p. 61.

(c) Vid: Dedicatio Socolovii, quaſtori ſuo praefixa.

(d) STAROVOLSCIUS in Elogiis pag: 149.



Celeberrima illa Bibliotheca Zalusiana, in qua omnia, quæ ad rem & historiam Polonam faciunt, quam diligentissime congesta inveniuntur, conservat non tantum omnia eius scripta, sed & varias eorum editiones, & quia Illustrissimus Possessor, Reverendissimus atque Excellentissimus Nominatus Kioviensis Episcopus eorum usum benignissime nobis concessit, Illustris vero & Reverendus Canonicus ANDREAS IANOZKIVS Bibliothecæ huius Præfectus dignissimus, vir de re litteraria Polona optime meritus, pro magna sua in singulos, qui studia litteraria Polona amant atque colunt, humanitate, & ex antiqua, quæ inter nos intercedit, consuetudine, omnia eius scripta nobiscum communicavit, nos possumus quoque ea nunc meliori ordine exponere & recensere.

Sunt vero:

*STANISLAI SOCOLOVII, Canonici Cracoviensis apud Stephanum I. Poloniæ Regem Concionatoris Opera. Cracoviæ in Architypographia Regia & Ecclesiastica Lazari edita 1591. in folio cum Præfatione ad Sigismundum III. Poloniæ Regem.*

*Inveniuntur ibi.*

I. Censura Orientalis Ecclesiæ, de præcipuis nostri seculi hæreticorum dogmatibus, ex græco in latinum conversa, & annotationibus, ad proprias Græcorum opiniones respondentibus illustrata, cum Dedicacione



VITA ET SCRIPTA 7  
catione ad summum Pontificem GREGORIVM XIII.

a pag: I. - 141.

*Variae istius libri Editiones.*

(a) Censura Orientalis Ecclesiae. De praecipuis nostri seculi haeticorum dogmatibus: Hieremiae Constantinopolitano Patriarchae, iudicii, et mutuae communionis causa, ab orthodoxae doctrinae adversariis, non ita pridem oblatis. Ab eodem Patriarcha Constantinopolitano, ad Germanos graece conscripta: A STANISLAO autem SOCOLOVIO, Serenissimi Stephani, Poloniae Regis Theologo, ex Graeco in Latinum conversa, ac quibusdam annotationibus, ad proprias Graecorum opiniones respondentibus, illustrata. Ad Gregorium XIII. Pontificem Maximum. Cracoviae in Officina Typographica Lazari 1582. in folio.

*Haec est prima editio simulque nitidissima & rarissima. Invenitur ibi quoque index & series praecipuorum capitum, ut & Epistola Theolipti Archimandritae, cum qua Constantinopoli opus istud ad Autorem erat perlatum, in lingua graeca scripta, \* quae in operibus libro huic non est adiecta, sequitur tamen postea, ut infra videbimus, in fine adiecta adhuc sunt capita rerum earum, quae in annotationibus continentur.*

(b) Editio Colonienfis de anno 1582. in 8vo. apud Maternum Cholinum, cum gratia et privilegio Caesar. Maiestatis in qua omnia sicuti in praecedenti inveniuntur. In nonnullis exemplaribus legitur quidemannus 1583, est tamen eadem editio.

(c) Editio,  
\* Cum SOCOLOVIUS cum Rege STEPHANO anno 1580. Leopoli esset, incidit ibi forte in istum Archimandritam Graecum, hominem haud indoctum, qui ei dixit: Germanos non ita multo ante ad Patriarcham suum scripsisse, & ei summa fidei & confessionis suae capita obtulisse, ac studiose petisse, ut in communionem eius Ecclesiarum reciperentur, quos vero tantum abest, ut recipiendos duxerit, ut etiam scripto hoc illa ipsa, quae tum illi proposuerunt capita, resutarit. Videat. Praefatio ad GREGORIUM. XIII.



(c) Editio, Dillingæ anno 1582. impressa in 8vo.

(d) Editio Parisiensis, sub hoc titulo:

*Censura Orientalis Ecclesiae &c. accessit Auctoris (debet esse Auctoris) Concio de Eucharistiae Sacramento, coram Poloniae Rege habita. Omnia post editionem primam diligenter recognita, & a mendis purgata: etiam notis marginum illustrata, per H. M. Francis; FEU-ARDENTUM, Franciscanum, in Academia Parisensi Professore Theologum. Parisiis apud Arnoldum Sittart, sub scuto Colonienfi mente divi Hilarii 1584. cum Privilegio Regis. Editio per rara & nitida.*

Versio Germanica sub hoc titulo prostat:

(e) *Censur oder Urtheil der Orientalischen Kirchen u. ihres Patriarchen zu Constantinopel, über die Augsbургische Confession, so ihm von erlichen Confessionirten, umb sein Gutachten und Bestätigung zugeschickt worden. Erstlich durch Herrn Stanislaum Socolovium, Königl. Maiestat in Pohlen Theologen, aus Griechischer Sprach ins Latein gebracht, auch mit annotaten Beyverzeichnissen gemehrt und erklärt. Anjetzo aber durch Herrn Johann Baptista Ficklern, der Rechten Doktern Fürstl. Salzburgischen Rath etc. Sampt gemelten Annotaten und Beyverzeichnissen aus dem Latein ins Teutsch getreuliches Fleis vertiret Allen Liebhabern der Wahrheit und rechten Glaubens in Christum vast nützlich und nothwendig zu lesen. Mit Röm: Key. May. Freyheit getruckt zu Ingolstadt bey David Sartorio anno 1583. in 8.*

II. Ultima responsio Tubingensium ad tertium Patriarchæ scriptum ex Patriarchio allata ipsorumque Tubingensium manu subscripta. a pag: 141-146.

Editiones.

*Prima extat sub titulo sequenti.*

(a) Ultima responsio Protestantium ad Censuram et iudicium Patriarchæ Constantinopolitani, de Articulis Augustanæ confessionis Stanislaui Socolovio, serenissimi Stephani Regis Theologo, interprete, cum eiusdem in margine annotationibus, Constantinopoli ex Patriarchio allata,



allata, ipsorumque Protestantium manu subscripta. Ad Petrum Miscovium, Episcopum Cracoviensem. Cracoviæ in Officina Typographica Lazari Anno D. 1583. in 4. *Opusculum rarum.*

*Editio Trevirensis prodiit hoc titulo.*

(a) *Sententia definitiva Ieremiae Patriarchæ Constantinopolitani, De Doctrina & Religione Wirtenbergensium Theologorum, Una cum antidoto ultimæ responsionis eorundem ad censuram Patriarchæ de Articulis Confessionis Augustanæ, Constantinopoli ex Patriarchio allatæ, ipsorumque Protestantium manu subscriptæ ac in lucem a doctissimo viro STANISLAO SOCOLOVIO editæ, cum eiusdem in margine annotationibus. Opera Thomæ Sunobbigii ad Dei gloriam et Ecclesiæ Catholicæ utilitatem edita. Augustæ Trevirorum, apud viduam Emundi Hatoti 1586. Cum gratia et Privilegio Archiepiscopali. Editio nitida & per rara.*

III. STANISLAI SOCOLOVII ad Wirtenbergensium Theologorum invectionem, quam suis cum Ieremia Patriarcha Constantinopolitano de Augustana Confessione actis & scriptis, per eos græce & latine editis, præfixerunt: brevis responsio, a pag: 147-190. cum dedicatione ad Iacobum Gorscium.

*Variae Editiones.*

(a) Prima editio prodiit Cracoviæ 1584. in 4to teste NIESIECIO, et est rarissima: Altera impressa est Ingolstadii in officina Typographica Wolfgangi Ederi Anno 1585. in 4. Herburtus a Fulstin dedicavit eam Guilielmo, Bavarizæ Duci et adiecit Socolovii Dedicationem ad IACOBUM GORSCIUM.

(b) Editio Augustæ Trevirorum 1586. in 8vo impressa apud viduam Emundi Hatoti est nitida et rarissima

Epistola vero Ieremiæ Patriarchæ Constantinopolitani ultima, quæ incipit *Quandoquidem*, non est adiecta, invenitur tamen in



libello præfixo supra iam allegato, sub titulo. *Sententia definitiva.*

IV. Epistola *Theolepti* Archimandritæ, cum qua Constantinopoli *Ieremie* opus ad SOCOLOVIVM fuit perlatum.

Ista Epistola separatim non est impressa, extat tamen, sicut annotavimus, in prima editione Censuræ orientalis, et in reliquis, quæ Coloniae, Dillingæ, Parisiis sunt impressæ. Germanicæ verò Versioni deest, quia non est longa, volumus eam cum Socolovii versione latina, raritatis causa, hic adponere:

Τῷ λογιωτάτῳ καὶ ἀδελμοτάτῳ κυρίῳ σιελῇ τῷ τῆς ἐκ-  
κλησίας διδάσκαλῳ καὶ ἐμοὶ Φιλτάτῳ εὐλαβῶς  
χειρὶ δέσσει

ἀπὸ Κωνσταντινουπόλεως· εὖ πράττειν

Οὐκ ἐσιώπησα, ἀλλ' ἐγραψα σοὶ πρότερον, καὶ ἐπεμψα ἐκείνη τὸ βιβλίον τὸ κατὰ τῶν Λατέρων, μετὰ τῆς Ἀρμενίης ἱερέως τῆς Ἡλιοπολίτης. περὶ δὲ ἐμῶς γίνουσκε, ὅτι οἰκῶ ἐν Κωνσταντινουπόλει εἰς τὸ πατριαρχεῖον, ἐν ᾧ ἤμην καὶ ἄλλοτε. ἦν δὲ θέλης μαθεῖν, ἐνεκα τῆς ἀφίξεως μὲς τῆς πρὸς ὑμᾶς, τὰ νῦν ἐδύναμαι ἐλθεῖν, διὰ τῆς πολέμου καὶ τῆς ἀκαταστασίας. ἐὰν δὲ ἐρηνεύσωσιν ἀμφοτέροι, θεῶν εὐδοκίᾳ ἐλεύσομαι. Ἐρρωσθὶ φίλτατε ἀνδρῶν. Τὸν σεβασμιώτατον καὶ εὐγενέστατον κατὰ Ἱερώνυμον τὸν πρεσβύτερον, ὡς ἐξ ἐμῶς πρόσειπε. ὁμοίως καὶ τὸν κατὰ πάντα Φίλτατον καὶ ἐνδόξοτατον κύριον Γεώργιον τὸν ἡμέτερον ἀδελφόν.

Ἀντιβόλῳ σοὶ κύριε. πέμψον μοι τὰ βιβλία, ἃ εἰς ἐνθύμησιν ἐγραψα σοὶ καὶ δώσω τὰ χρήματα τῷ κομίζοντι προθύμως. ἦν δὲ ἄλλοτε ζητῆς ἀπεντεῦθεν, γράψον μοι καὶ ἀσμένως ὑπηρετήσω.

Hoc est:

*Eruditissimo & Reverendissimo Domino Stanislao,*  
*En*



*Ecclesiae Doctore mibique charissimo, reverenter in manus reddantur, Constantinopoli.*

*Salutem.*

*En non taceo sed scribo tibi prior, mittoque librum illum contra Lutheranos, per Sacerdotem Armenium Leontopolitanum. Me autem scias habitare Constantinopoli in aedibus Patriarchae, ubi & olim degebam. Ceterum de meo ad vos adventu, si cupis, scias velim, me nunc propter bella tumultusque venire non posse. Si autem pax utrinque firmata fuerit, Deo propitio, veniam, Vale, Virorum charissime.*

*Reverendissimum & Generosissimum Dominum Hieronymum Presbyterum, meo nomine saluta. Itidem omnibus modis charissimum ut clarissimum Dominum Georgium fratrem Nostrium.*

*Peto a te Domine ut mittas mihi libros, quos notavi, pretium vero ei, qui attulerit, persolvam lubens. Quod si tu quoque hinc aliud quid habere desideras, fac mihi scribas, inserviam enim libenter.*

V. De verae & falsae Ecclesiae discrimine: Stanislai Sololovii, libri III. Ad serenissimum Stephanum, Poloniae Regem victorem & triumphatorem magnificum a pag: 191.-330.

*Variae Editiones.*

(a) Prima est Cracoviensis in folio, quae prostat titulo sequenti:  
*De verae & falsae Ecclesiae discrimine ad Serenissimum Stephanum I. Poloniae Regem, Stanislai Sololovii libri III. ex sacris scripturis, vetustissimorumque Patrum sententiis collecti ac concinnati. Quibus adie-*



*Ita est pro dignoscendis & fugiendis dogmatibus falsis, eiusdem Concio. Cracoviae in Officina Lazari Anno Domini 1583, sumptu & impensa Regia. Editio nitida & admodum rara.*

Concio pro dignoscendis & fugiendis falsis dogmatibus in operibus huic libro non est adiecta, sequitur tamen inter Orationes, ubi secundum occupat locum. Niesiecus errat, librum istum Cracoviae Anno 1584. esse impressum in folio & alteram eius editionem prodiisse eodem adhuc anno Coloniae in 4to.

(b) Altera excusa est typis Ingolstadii in Officina Wolffgangi Ederi 1584. in 4to, & ab ipso autore & emendatior & castigatior est priori nuper reddita cum indice.

(c) Tertia prodiit Coloniae 1584. in 8vo apud Maternum Cholinum.

## VI. STANISLAI SOCOLOVII Orationes Ecclesiasticae VII. a pag: 331.-534.

1. Pro religione catholica ad Petrum Mscovium, Episcopum Cracoviensem. Prima editio prodiit 1584. Cracoviae in 4to a pag: 331.-374.

2. Pro cognoscendis & fugiendis falsis Prophetis & eorum doctrina a pag: 375.-391.

Prima editio apparuit sub hoc titulo: *Concio de vestitu & fructu haereseos*, STANISLAI SOCOLOVII *Concionatoris Regii, Leopoli 1578.* Versio Polonica editioni, qua utor, margini est ascripta. NIESIECIUS allegat editionem de a 1578. Nissae in Silesia impressam in 4to sed forsitan est error loci. Ista oratio adiecta est libro de verae & falsae Ecclesiae discrimine sicut annotavimus.

3. De causis ultimi excidii Hierosolymitani a pag: 392.-409.

Prima editio prodiit Cracoviae sub titulo sequenti.

Excidium Hierosolymitanum, sive de causis ultimi excidii urbis illius ad Serenissimum Stephanum, Poloniae Regem, Stanislaus Socolovii



Socolovii Concio. Cracoviæ in Officina Lazari anno 1580. in 4to. opusculum rarissimum.

4. Epithalamion, sive de consecratione Episcopi a pag: 409. - 454

Oratio ista dedicata est Ioanni Andreae Caligario, Episcopo Brittonoriensi, ad Serenissimum Stephanum Polonorum Regem, Nuntio Apostolico. Prima editio præfert titulum sequentem.

Epithalamion Episcopi, cum sua sponsa Ecclesia, sive de consecratione Episcopi sermo, apud Serenissimum Stephanum, Poloniæ Regem, in consecratione Reverendissimi Domini, Ioannis Andreae Caligarii, Brittonoriensis Episcopi, sanctæ sedis Apostolicæ Nuntii: per Stanislaum Socolovium, sacre Theologiæ Doctorem, in Comitibus Varsoviensibus habitus. In quo ritus, vetustas, mysteria & usus consecrationis, Episcopi, ex sententiis & auctoritate sanctorum Patrum explicantur: functio item & dignitas Episcopalis tota. Cracoviæ in Officina Lazari anno 1580. edita. Opusculum per rarum. Extat adhuc alia libelli istius editio in Bibliotheca Zalusciana, Romæ impressa.

5. Pro cultu & adoratione Jesu Christi in Eucharistiæ Sacramento, cum dedicatione ad Iacobum Bielscium, Episcopum Lacedæmonensem a pag: 455. - 478.

Prima editio prodiit Cracoviæ in Officina Lazari 1582. in 4.

Altera ibidem 1584. in 12. ambæ sunt raræ. Est quoque Parisiis impressa & adiecta Censuræ Orientalis Ecclesiæ, sicut iam supra diximus.

Daniel Sigonius Leloviensis eam Polonice versam edidit Cracoviæ 1590. in 4to.

6. Pro dote Ecclesiæ Dei & hæreditate Christi, cum Præfatione ad Stanislaum Carncovium, Archiepiscopum Gnesnensem Primum Regni Principem a pag: 478. - 516.

Prima editio talem habet titulum:

*Compositio sive pro dote Ecclesiastica & hæreditate Christi ad Ordines Poloniae Regni STANISLAUS Socolovii Concio. Cracoviæ in Officina Lazari Anno Domini 1582. in 4. & est rarissima.* Extat



Extat adhuc alia Editio sub titulo.

*STANISLAI SOCOLOVII, Magni olim Stephani Regis Poloniae Theologi, oratio Ecclesiastica, prodote ecclesiae Dei & haereditate Christi Cracoviae in Officina Andreae Petricovii S. R. M. Typographi Anno D. 1632. in 4. & hæc quoque est rara.*

7. Pro vera & catholica libertate, cum præfatione ad Ioannem Zamoscium, Supremum Regni Poloniae Cancellarium Exercituumque Ducem a pag: 517. - 534.

Istæ prædictæ septem Orationes in uno volumine collectæ impressæ sunt Coloniae 1587. in 8. apud Maternum Cholinum & editio ista est rarissima.

VII. Stanislai Socolovii Nuntius salutis sive sermones V. de incarnatione ad laudem Domini nostri Iesu Christi eiusque gloriosissimæ matris honorem. Ad Serenissimum Sigismundum III. Regem Poloniae pag. 335. - 621.

Prima editio prodit Cracoviae ex Officina Lazari Anno D. 1588. in 4to. & est rara. Versio Polona a IOANNE IANUSSOUIO eleganti & compto stylo conscripta, im pressa est Cracoviae 1590. in 4to.

VIII. Stanislai Socolovii Iustus Ioseph, sive in Iesu Christi, Domini nostri mortem & Passionem, Meditationes V. in quibus non magis Iudaica perfidia, quam Ariana refutatur impietas pag: 526. - 739. cum præfatione ad Hieronymum Comitem a Rozdrazow, Vladislaviensem & Pomeraniae Episcopum.

Prima editio prodit Cracoviae in Officina Lazari 1586. in 4. & est rarissima.

IX. Epicinion, sive gaudium Paschale.

Invenitur



Invenitur quoque in prima editione iusti Iosephi post V. Meditationem, sed non separatim est impressum.

X. Stanislai Socolovii Partitiones Ecclesiasticæ ad Petrum Costcam, Episcopum Culmensensem a pag: 750.-764.

Prima editio impressa est Cracoviæ 1589. in officina Lazari & est rara.

XI. Stanislai Socolovii quæstor, sive de parsimonia atque frugalitate ad Martinum Lesnovolscium, Castellanium Podlachia a pag: 765.-784.

Prima editio litteris est exscripta Cracoviæ 1589. in Officina Lazari, in 4. libellus iste inter rarissima Socolovii scripta est numerandus.

*Omnia hæc scripta in operibus inveniuntur.*

*Porro ad hoc prostant.*

XII. Stanislai Socolovii Canonici Cracoviensis, Serenissimi olim Stephani Regis Poloniae Theologi in Evangelia Matthæi, Marci & Lucæ notæ. Cracoviæ in Architypographia Regia & Ecclesiastica Lazari editæ 1598. in fol. Opus splendidum & rarissimum. Illustrissimus enim Possessor, nullum aliud præter hoc exemplar, quod ab illustrissimo fratre suffraganeo Florensi dono accepit, unquam vidit Conscriptum & finitum quidem est ab autore anno 1593. & Capitulo Cracoviensi fuit dedicatum, sed anno 1598. demum & quidem iam post autoris mortem fuit impressum. Adiecti sunt in fines Odæ funebres, de laudibus Stanislai Socolovii, Andreae Schoenæi



nai, Publici in Academia Cracov. Philosophiæ Professoris.

XIII. Epithalamion, sive benedictiones nuptiales, ad Serenissimum Sigismundum III. Poloniæ Regem & Annam Austriacam, coniugem eius, à Stanislao Socolovio, Canonico Cracoviensi missæ. Cracoviæ in Architypographia Ecclesiastica & Regia Lazari 1592. in 4. opusculum rarissimum.

XIV. Posthumus Stanislai Socolovii apud Stephanum I. Poloniæ Regem Concionatoris, de ratione studii per M. Iacobum Ianidlovium I. V. D. & Professore, Canonicum Sandecensem, Academiæ Cracoviensis Procancellarium, & protunc Generalem Rectorem luce donatus. Cracoviæ in Officina Andreæ Petricovii S. R. M. Typographi. Anno D. 1619. in 4. cum præfatione ad Nicolaum Wolscium, supremum Regni Mareschalcum. Opusculum rarissimum.

Doctissimus autor conscripserat libellum istum iam anno 1572. pro eodem Nicolao Wolscio, qui tunc temporis Capitaneus Krzepicensis erat, ut ad eam studia componeret, fratrique suo sequendum traderet. (a)

XV. Officia propria Patronorum Provinciæ Poloniæ, per Reverend: Stanislaum Socolovium Serenissimi olim Stephani, Poloniæ Regis Theologum, Canonicum Cracoviensem, ex mandato synodi Petri-

(a) Videat: Præfatio istius libri.



coviensis conscripta, autoritate autem Illustrissimi Cardinalis Georgii Radzivilii, Episcopi Cracoviensis edita. Venetiis apud Iuntas 1629. opusculum rarissimum in 8vo maiori.

Alia editio prodit Antverpiæ 1611. ex Officina Plantiniana, & ad huc alia Venetiis anno 1701.

XVI. Officia propria SS. Patronorum Regni Sueciæ, ex vetustis Breviariis eiusdem Regni deprompta. Ad instantiam Serenissimi Sigismundi III. Sueciæ & Poloniæ Regis, a sacra Rituum Congregatione, autoritate Apostolica, recognita & approbata, atque omnibus tam in dicto Sueciæ quam etiam Poloniæ Regno habitantibus concessa, ut libere & licite, translatis vel omissis aliis Officiis, quæ eadem die occurrunt recitari possint & valeant. Colonia Agripinæ, sumptibus Cornelii ab Egmond & sociorum 1644. editio splendida & rara.

XVII. Officium Militare auctore Stanislao Socolovio. Cracoviæ 1589. Cum Dedicatione ad Ioannem Zamoscium, Regni Cancellarium Exercituumque Ducem fortissimum in 12. inter rarissima Socolovii scripta numerandum est.

XVIII. Peregrinus, seu læsæ virtutis quærela a Stanislao Socolovio Anno 1587. conscriptus, nunc demum luci publicæ expositus, cura Christiani Theophili Frisii in 4. 1759.

C

PERE.



## P E R E G R I N U S.

**M**irari satis non possumus omnes, qui fiat, quod cum nuper defuncti Regis nostri tantum sit ubique nomen, tanta gloria, dignitas tanta, ac si unus ex veterum Regum memoria esset; cumque apud omnes alios, hoc quod vidimus, sui desiderium eamque memoriam reliquisset; hic apud vos, non modo pleno ore non laudetur, sed aliqua in eo non unquam desideretur, ac a multis aliquando subimpudentius reprehendatur. Moschos etiam adeo ipsos, atque alias gentis Vestrae vel hostes vel æmulos, de illo multa præclara prædicare, & quamvis sibi magno metu liberatis gratulantur, publica tamen orbis Christiani calamitate permoveri, ac magni Principis morte moestos esse audimus. Turpe autem mihi videtur, vel eodem saltim sensu & voluntate, erga Regem suum cives & subiectos, tot præsertim ab eo beneficiis acceptis, non affici; quo hostes & æmulii affecti esse dicuntur. Cuius quidem rei latentem causam aliquam esse suspicamur: eamque ex te, ut qui tua; quam nos, qui peregrini sumus, melius nosti, cognoscere velemus. Nam ignavum, inertem, desidem, voluptarium, illum virum fuisse, dicere non possumus: omnibus denique virtutibus, quæ in bonum Regem cadere possunt, prudentiæ, inquam, animi magnitudinis, patientiæ, fortitudinis,



nis, rei militaris peritiæ, doctrinæ item, maximæque rerum usus experientiæ, præditum fuisse, omnis in posterum extincta invidia, confitebitur ætas. Eam igitur, ut dixi, latentem causam ordine certo inquiramus.

Primum igitur, ut ab eo quod summum est ordiamur, scire vellem, qualem se erga Deum immortalem eiusque cultum gesserit. Num sacra religionemque aliqua ex parte violaverit, num templis arisque ac universæ Ecclesiæ aliquid abstulerit, num sacros ac Deo devotos homines aliqua contumelia affecerit, num ea, quæ ipse Deo debebat, non reddiderit, Episcoporum Monasteriorumque bona acciderit ac extenuaverit, Episcopatus ipsos servis contulerit, ac immensis, ut aiunt, pensionibus oneraverit.

### C I V I S.

**N**ihil horum: Nam sacra religionemque studiose coluit: nullum unquam diem, quantum in illo fuit, sive in pace, sive in bello, tam secundis quam adversis suis rebus, domi forisue, intermisit, quin sacra rei interesset. Idque plerumque nec incommodo suo, ab officio isto, quod semper usurpare solebat cum valeret, abduci potuit; nisi, si quando defectu earum rerum in illis vastis Moschoviticis solitudinibus quæ ad sacra pertinent, impeditus fuisset. Nec corpore tantum, quod plerique



facere solent, præsens aderat; sed tota mente, omne animi intentione, corde perfecto ac contrito, oculis, sæpius lachrymis perfusis, pectorisque crebra percussione. Quoties ille ministros, quoties sacri altaris apparatus, itinerum difficultatibus præpeditos, patientissime, in mediis nonnunquam frigori- bus, longa mora expectare solebat.

Publice sacro singulis diebus festis interfuit; ad idque pedes nonnunquam adveniebat, nec in maioribus tantum, sed vilibus oppidis etiam ac pagis: sæpe ille milite pugnante, orabat; sæpe adorationem gratiarumque actionem suos provoca- bat. Doctrinæ autem divinæ mirum est, quam stu- diosus, quam quietus, quam obediens, quam pius auditor fuit. Vultus compositus, silentium maxi- mum, magisque ipse sua illa plena pietatis facie per- movebat doctores ipsos ceterosque omnes, quam ipse ab illis permovebatur. Templis autem ac locis reli- giosis non modo aliquid non abstulit; sed etiam quæ- dam collapsa restauravit; quædam dotavit, sacris- que vasis instruxit, ac vestimentis propemodum su- is contexit. Scholas, Xenodochia in illis regionibus, quas bello cœpit, amplissima instruxit, illisque non mediocres census addixit. Donarium illud propri- um maiestatis divinæ, decimas inquam, quas nemo fere in hoc regno, ita ut par est, persolvit, quasque illi, qui maxime debent, ac etiam qui singulis die-  
bus



bus omnia altaria circumire solent, apud se retinent, aliisque eius sacrilegii auctores sunt, lege hac de re lata, ex suis bonis reddi iussit. Sacri autem ordinis homines tanti fecit; ut nullus esset, cum quo diutius aut liberius conferret. Sacerdotes similiter domesticos quantum amaverit, qua cura & solitudine prosequutus sit, ita, ut de valetudine illorum cum medicis eam ob causam coactis ac convocatis, aliquando ipse consultaret, omnibus fere notum est. Ecclesias autem ipsas earumque praesides quosque, suis bonis perfrui passus est; nulli quicquam abstulit, nec onus aliquod cuiquam imposuit.

### PEREGRINUS.

**I**N iure ergo dicendo & causis cognoscendis aliquod vitium inerat?

### CIVIS.

**N**Equaquam: Nam & facilitas audiendi mira, & humanitas expediendi benigna, & prudentia cognoscendi sagax, & integritas iudicandi summa, & aequitas decernendi incredibilis, illi inerat homini. Itaque saepius homini licuit videre utramque partem, quod tam raro in aliis evenit, Regis iudicium collaudasse: audires hunc aequitatem suae causae exaggerantem, alterum ius scriptum quod sequutus sit iactantem atque sic severitatem iustae sententiae



tentia hac vel illa excusatione se ipsum solantem,  
utramque tamen iudicis decretum approbantem.

### PEREGRINUS.

**C**Um hostibus igitur clandestina consilia contulit,  
Rempubicam prodidit, provincias integras ab  
alienavit, vel suis dedit, vel saltem oppignoravit,  
ærarium exhaustit, æs alienum plurimum reliquit,  
libertati publicæ insidiatus est.

### CIVIS.

**N**ihil horum similiter: Nam hostes superbissimos  
fregit, aliis metum incussit: urbes, arces pro-  
vincias totas amissas, recuperavit: suis nihil, ut vi-  
demus, insigne dedit, vel quod privato homine di-  
gnum esset, nisi forte Miechovicium Monachatum,  
quem nepoti suo adolescenti nobilissimo ac floren-  
tissimo contrulerat, & in quem magna pars Europæ  
oculos suos nunc convertit, in ea tam larga in suos  
profusione numerare quis velit. Pecuniam autem  
aliquam, etiam tantis bellis gestis & confectis, tan-  
tisque rebus, motibus, ac difficultatibus compositis,  
reliquit. De nimia quidem libertate eiusque vitiis  
amputandis, ubi quidam cum eo privatim locuties-  
sent, illud intulisse dicitur: *Dii, inquit meliora.*  
*Ego in Republica libera, liber natus sum, & quan-*



*ta libertatis sit suavitas, non ignoro. Vereri tamen se dixit, ne ob istos animos ingratos, quos ipse experiretur, ac indomitam licentiam quandam, passim veluti pestem quandam, grassari in diesque augeri videat, iusta ac vera Dei sententia aliquis in posterum exoriatur, qui certum modum libertatis invenire velit.*

## P E R E G R I N U S.

**P**Rivatorum igitur bona evertit, uxoribus ac liberis eorum per vim ac libidinem abusus est, inter scurras ac lenones sua ac regni bona dissipavit.

## C I V I S.

**H**Oc certe ne ab inimico quidem illi obiectum est unquam: ac ipsa quidem fama de illo mentiri erubuit.

## P E R E G R I N U S.

**S**uis igitur popularibus in omnibus usus est. Vestros ad nulla aut privata aut publica consilia officiaque admittit.

## C I V I S.

**M**inime gentium. Nam & illi quibus in Republica plurimum usus est, & quos ante ceteros amasse



amasse dicitur, Poloni sunt: & nepotibus suis erudiendis, quos unice diligebat, Polonos præfererat, illudque diligenter cavebat, ne quis peregrinus huic negotio se immisceret: & ipse præter paucos quosdam domesticos & familiares, quos penes se habuit, in omnibus fere nostrorum opera utebatur: eosdem privatæ œconomix, venationi, ac omnibus fere aliis rebus, præse voluit. In teque factum est, quod vel nullos vel paucos Ungaros hic, illo regnante, aut matrimonia contraxisse, aut domicilium fixisse, videamus.

### PEREGRINUS.

**I**nimicitias ergo acerbe persecutus est, inimicos afflixit.

### CIVIS.

**Q**uin imo amavit, beneficiis affecit: & quod mirum in illo homine fuit, honestos & ingenuos inimicos plus diligebat atque ornabat, quam turbulentos, fallaces, & ineptos amicos. Quantum ille Gedanenses, quantum Bekesium, hominem sibi a prima adolescentia inimicum, & qui ad se quasi extinguendum videbatur esse natus, quantum alios amabat, quantum illis credidit, notius est, quam ut dici possit, & quam multi voluissent.

PEREGRINUS.



## P E R E G R I N U S .

**I**mprobos non coërcuit, bonos tutatus non est.

## C I V I S .

**V**oluit equidem magis quam potuit: huc enim redacti sumus, ut neque morbos, neque remedia morborum perferre possimus. Fecit tamen & in hac parte quod potuit, & ubi potuit: plurimum autem ut posset, multum elaboravit.

## P E R E G R I N U S .

**M**ischumne domuisse, Scythas coërcuisse, remotissimos hostes tenuisse valuit, suos in officio retinere non valuit.

## C I V I S .

**I**Ta est. Morbi enim externi facilius curantur, quam illi qui viscerum sunt: & multum interest, num tui, an alieni corporis membra amputes.

## P E R E G R I N U S .

**P**rivatim credo, asper & inhumanus; superbus, & quem nemo perferre ac pati potuerit, ad quem item difficillimi ac superbi fuerunt accessus: subdolus denique ac simulator aliquis fuit.

## D E P E R E G R I N O C I V I S



## C I V I S.

**N**Equaquam. Imo privatim, non iam amplius Rex sed amicus: non princeps sed familiaris: & cuius sermonibus, vel propter singularem comitatem affabilitatemque, vel propter dicendi leporem ac venustatem, vel propter præclaram eruditionem, ac maximum rerum usum experientiamque, aliquis satiari non poterit. Verior autem & candidior illius oratio fuit, illa ipsa luce & aura, in qua sæpius quam intra parietes versari ac commorari solebat.

## P E R E G R I N U S.

**T**enax ergo & nimium parcus, & qui nihil cuiquam de suo contulerit, Rex erat.

## C I V I S.

**Q**uomodo ille parcus & tenax dici potuit, qui emendicatis propemodum stipendiis tot bella gessit, tot hostes perdomuit, tot ædificia magnifica extruxit, tot hominibus stipendia persolvit, qui domesticos tam laute fovit. Quem denique plura inter cives distribuisse dicunt, quam aliquis unquam in hoc regno ex victoribus regibus largitus aut partitus est. Nisi forte solam illam ob causam tenax & parcus dici potest; quod non æque omnes divites ac potentes, ut  
 ipse



ipſe erat, ſimul (quod divinæ potius quam humanæ opis eſt) efficere potuerit *Hinc illæ lachrymæ, hæc præcipua, ut puto, cauſa irarum.*

## P E R E G R I N U S.

**D**omeſtici igitur eius ac populares fortasſe incontinentiores ac inſolentiores fuerunt: ſpoliarunt multos, multos pulſarunt, vim intulerunt multis! Fit enim ſæpe, ut Principes ipſi integri ac continentes, ſuorum cauſa male audiant, civibusque ſuis inviſi reddantur, ac quid: quid illi intriuerint, ipſi exedere cogantur.

## C I V I S.

**N**E hoc quidem inter ſuos nepotes ac domeſticos, vel milites numerare poſſumus. Nam de nepotibus atque domeſticis, nemo unquam per totum hoc tempus (quæ tamen mira circumſpectio Regis hominumque probitas fuit) conqueſtus eſt, ac ne nunc quidem conqueritur, aut iuſte quiſquam conqueri poteſt, Milites autem fuerint, nihil aliud quam milites: quos ubi tandem continentes invenias? Vetus illa quærela eſt. *Nulla fides pietasque viris, qui caſtra ſequuntur.* Illos tamen ipſe quantum potuit coërcere curavit: quorum laboris & operæ in rebus gerendis bellisque conficiendis (ſivera fateri velimus) nos nunquam, quo ad in Moſchovia partarum victori-



arum munimenta exstabant, pœnitere poterit: & quibus quoque ipse lubens caruisset, si nos ipsi voluissemus.

## PEREGRINUS.

**S**I igitur ex his causis nulla est, cur eum principem non amare potius quam illi detrudere debeatis; plures autem causæ ne comminisci quidem iam possunt, quid est? Unde ista aversio ac offensio animorum vestrorum in eum concitatur? Unde sermones isti? In quo & si quid vitii inesset (quod cuique suum innatum est:) tamen illud præstantissimarum virtutum lumen auferre, vel saltem obscurare debuit, bonosque cives in virtutibus potius prædicatione augendis, quam in vitiis ulla orationis acerbitate insectandis, ob divina & immortalia eius in hanc Rempublicam merita occupatos esse oportuit. Nisi forte cuidam ex Atheniensibus similes esse velitis, qui ubi cum aliis Aristidem, virum optimum, ac de Republica præclare meritum, ob eximiam eius virtutem, pro more gentis ingrata, relegaturus in comitium venisset, ac in ipsum forte, quem non noverat, Aristidem incidisset, ab eo in testula, quam pro more suffragiorum in hac causa gerebat, nomen Aristidis homo ingratus & illiteratus scribi petiit. Quid fecit, quid commeruit, & num aliqua insigni iniuria affectus sit, quærit cum admiratione Aristides: Nihil horum



horum, respondit ille, imo nec hominem quidem novi.

Cur igitur eum, quem non nosti, condemnas, infert Aristides. Quia hoc, inquit, unum me male habet, quod ab omnibus iustus ubique prædicetur, idemque alios Athenienses velle ac facere video. Scripsit Aristides illique reddidit, ac latus tali iudice ac sententia discessit. Sic vos Stephanum Regem, quem vestrum aliquine de facie quidem noveratis, tantum abest, ut aliquid de vobis male meritis sit, popularis auræ captandæ causa, & ut in causa pessima disertis Oratores videamini, iniquissime traducere cum Vestra magna apud omnes bonos infamia, non erubescitis. Quarum quidem caluminiarum, si quis causam ex vobis velit cognoscere, non plura profecto, respondere possetis, quam is ipse Aristidis infectator respondit.

### C I V I S.

**V**Era sunt quæ dicis: adde tamen & illud, *Virtutem nos incolumem odisse: sublatam ex oculis querere invidos: ac tum denique nostra nos intelligere bona, cum quæ in potestate habuimus, ea nos amisisse cernimus.* Quod tamen tam cito nondum ipsi experiri potuimus. Nec enim tam facile cursus ille Reipublicæ, quem Magnus ille Rex constituerat, aut impediri, aut extinguere potuit: & vulnere recentium



non ita acerbus est sensus. Oderunt denique hilarum tristes, tristemque iocosi.

## PEREGRINUS.

**Q**uid tu in re seria rides! Miseria exhilarata hæc est, risusque vobis nimis usitatus: qui utinam sit diuturnus, & non sit plane risus Sardonius. Veneri enim oportet, ne hi risus, quos ista Vestra sapientia excitat, magnas secum lachrimas ferant: neque adeo læta huius interregni vestri initia video, ut nimis ridere debeatis. Sed vos carendo potius quam fruendo, aliquando, quid habueritis & amiseritis, intelligetis. Atqui ego serio dico, *ingrati animi pessimum vitium esse, nec unquam divinam ultionem effugere.* Hoc item a doctissimis viris audiui; qui *virtutem laudat, Deum laudare, qui virtuti detrabit, Deo, qui est prima & summa virtus, omnisque virtutis principium & origo, detrabere.* Neque enim credendum est, illas ipsas tot præstantissimas virtutes, quibus ille præditus fuit, a seipso illum habuisse; & non potius ab omni boni fonte & largitote Deo. Qui igitur hæc contemnit & elevat, hic Dei dotes & ornamenta contemnere & elevare videtur.

Non enim te (inquit Dominus ad Semuelem) abiecerunt, sed me; simulque præsentem vindictam subiungit: Verumtamen contestare illos, iusque illis Regis enarra. Hoc erit ius Regis. Filios vestros  
tollet,



tollet, & ponet in curribus suis, facietque sibi equites, & percussores quadrigarum suarum, & constituet sibi tribunos & centuriones & aratores agrorum suorum, & messorum segetum, & fatros armorum & curruum suorum.

Filias quoque vestras faciet sibi unguentarias & focarias & pannificas; agros quoque vestros, & vineas, & oliveta optima tollet, & dabit servis suis: sed & segetes vestras, & vinearum redditus addecimabit, ut det Eunuchis & famulis suis: servos etiam vestros, & ancillas, & iuvenes optimos, & asinos, & vaccas, auferet & ponet in opere suo.

Greges quoque addecimabit, vosque eritis ei servi, & clamabitis in die illa a facie Regis vestri, quem elegistis vobis, & non exaudiet vos Dominus in die illa, quia petistis vobis Regem. Et hoc quidem ius Regis est, & vera ac iusta Dei contra ingratos sententia: quam vos quidem nondum experti estis.

Nam hi ipsi Reges, quos adhuc habuistis, parentes potius ac ministri vestri, quam Reges fuerunt: præcipue autem hic Stephanus vester, quem vos paucis post annis, nec quicquam multis votis desiderabitis.

Eius quidem virtus oppugnari potest, expugnari non poterit unquam: nec ita ab oculis vestris aboleri facile poterunt ea, quæ tot monumentis ad sempiternam memoriam consignata sunt.

Verum nox adest, portæ clauduntur, hospes expectat



pectat, hæc pauca tamen, non quidem ex Apollinis tripode, sed ex mero & simplici sensu profecta, prius quam ab eo, addo: Qua fide & integritate præteritorum Regum merita accipitis, eandem sinceritatem & benevolentiam a subsequen- tibus expectabitis: & si vestros perferre non potestis alienos sufferratis oportet: & impossibile esse singulorum affectibus & Reipublicæ simul satisfieri. Ad extremum, quod quisque intrivit, ipsi exedendum esse. Ego curram conscendo, tu vale.

## C I V I S.

**T**U vero appage, qui in aliena Republica, quod peregrinum non decet, nimis volueris esse curiosus.

## ELOGIUM MAGNI STEPHANI POLONIÆ REGIS.

AVTORE STANISLAO SOCOLOVIO:

*In templo, plus quam sacerdos.  
In Republica, plus quam Rex.  
In sententia dicenda, plus quam Senator.  
In iudicio plus quam iuris consultus.  
In exercitu plus quam Imperator.  
In acie plus quam miles.*

*In ad-*



*In adversis perferendis, iniuriisque condonandis plus quam vir.*

*In publica libertate tuenda plus quam civis.*

*In amicitia colenda, plus quam amicus.*

*In convictu, plus quam familiaris.*

*In venatione ferisque domandis, plus quam leo.*

*In tota reliqua vita, plus quam Philosophus.*

### EPITAPHIUM.

Pro exequiis funebribus, Stephani I. Regis Poloniæ, Leopoli in Russia habitis, a IOANNE DE ZAMOSCIO, Cancellario & summo Duce exercituum regni conscriptum.

STEPHANUS MAGNUS REX POLONIÆ MAGNUS. QUE DUX LITHUANIÆ, PRINCEPS TRANSYLVANIÆ, VICTOR, TRIUMPHATOR, PATER PATRIÆ, STEPHANO PALATINO, CATHARINAQUE TELEGDIA NATUS; ANNO MDXXXIII. V. CAL: OCTOBRIS: VIXIT MDLXXXVI. IDIBUS DECEMBRIS: REGNAVIT ANNOS DECEM MENSES VII. DIES XII.

Iudicia constituit: Livoniam, Polociamque provincias recepit; Fines Lithuanix latissimo Viellissienfi agro adiecto protulit. Perterritis Mechemete primum ac deinde Aschlan Hereis, Tartarorum Chanis: Podoliam pacatorem cultioremque reddidit: Amuratem Turcarum Imperatorem, ut Tartaro pacem legatione missa peteret, et Ben-

Enderia



deria a Kosakis deleta nil moveret, novaque Castella finibus imponi pateretur, opinione virtutis permouit continuitque, stipendium maius, Transyl imperium in eunti Sigism. fratris impuberi imponere molientem, deterruit. Ianculam Valachiae Regulum ob iniurias, quas vicinæ nobilitati intulerat, deiicere adegit. Thesaurosque, qui cum ipso Valacho in potestatem suam venerant, repetentem spreuit. Omnium regum principum ac populorum Nationumque cum ora in se convertisset, Maiora pro Republica & re Christiana animo agitans, Ac in primis Moschoviam Poloniae Lituaniaeque aggregare studens, sexta die subito extinctus est. O mors invida, non extincti virtutem Batoream, immortalis est. Stephano Poloniae Regi, Victori, Triumphatori, pio Patri Patriæ: Ioannes de Zamoscio Cancellarius & summus Dux exercituum regni, pro vita, quam saluti gloriæque eius omnibus bellis periculisque devoverat, Deo, non se, ira volente, superstes has lachrimas cum GRISOLIDE Batorea, uxore sua, Regi Patrono ad finique suo reddit. Viveres Stephane maxime viveres, nec Polonia, Vngariaque ac nomen Christianum lugeret, nec improbi barbari gauderent, Sed vivit Deus, haud solido exultabunt gaudio.

#### MILITES POLONI

Devoti nomini meritisque erga Rempubli-  
cam Stephani Magni Poloniae regis invicti, pa-  
trisque



trisque patriæ pientissimi Te superstiti pro salute  
gloriaque tua sangvini non pepercimus, Nunc quid  
aliud quam lachrymas miserabiliter fundere possu-  
mus! Quo Duce patriæ fines proferemus? quo vel  
Barbaros a ceruicibus reiiciemus, Stephane, terror  
hostium, quam subito quoque modo te amisimus. O  
nimis atros Polonis nominique Christiano idus De-  
cembris!





FELIX TURSKI Officialis Generalis Varso-  
viensis.









